



**Канон молебный
ко Господу нашему Иисусу Христу
и Пречистой Богородице Матери
Господни при разлучении души
от тела всякаго правове́рнаго**

Моли́твами святы́х оте́ц на́ших,
Го́споди Иису́се Христе́, Бо́же наш,
поми́луй нас. Ами́нь.

Святы́й Бо́же, Святы́й Кре́пкий,
Святы́й Безсме́ртный, поми́луй нас.
(Три́жды.)

Сла́ва Отцу́ и Сы́ну и Свято́му Ду́ху,
и ны́не и прѣсно и во ве́ки веко́в.
Ами́нь.

Пресвята́я Тро́ице, поми́луй нас;
Го́споди, очисти грехи́ на́ша; Влады́-
ко, прости́ беззако́ния на́ша; Святы́й,
посети́ и исцели́ немо́щи на́ша, имене́
Твоего́ ра́ди.

Го́споди, поми́луй. (Три́жды.)

Сла́ва Отцу́ и Сы́ну и Свято́му Ду́ху,
и ны́не и прѣсно и во ве́ки веко́в.
Ами́нь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй. (12 раз.)

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо

мною есть вина. Тебе единому согреших и лукавое пред Тобою сотворих; яко да оправдишися во словесех Твоих и победиши вневгда судити Ти. Се бо в беззаконных зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся; омьёши мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух

сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

*Канон молебный от лица человека,
с душою разлучающагося
и не могущаго глаголати*

Глас 6

Песнь 1

Ирмос: Яко по суху пешествовав Израиль, по бездне стопами, гонителя фараона видя потопляема, Богу победную песнь поим, вопияше.

Припев: Пресвятая Богородице, спаси нас.

Каплям подобно дождевным, злии и малии дние мой, летним обхождением оскудевающе, помалу исчезают уже, Владычице, спаси мя.

Пресвятая Богородице, спаси нас.

Твоим благоутробием и многими щедротами Твоими, Владычице, преклоняема естественна, в час сей ужас-

ный предстани ми, Помощнице Непоборимая.

Пресвятая Богородице, спаси нас.

Содержит ныне душу мою страх велик, трепет неисповедим и болезнен есть, внигда изыти ей от телесе, Пречистая, юже утеши.

Слава Отцу и Сыну и Святому Духу.

Грешным и смиренным известное прибежище, о мне извести Твою милость, Чистая, и бесовския избави руки, якоже бо пси мнози обступisha мя.

И ныне и присно и во веки веков. Аминь.

Се время помощи, се время Твоего заступления, се, Владычице, время, о немже день и ночь припадах тепле и моляхся Тебе.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Пресвятая Богородице, спаси нас.

Издавеча сего дне, Владычице, провидя, и того яко пришедша помышляяй присно, слезами теплыми моляхся не забыти мене.

Пресвятая Богородице, спаси нас.

Обыдоша мя мýсленнии рыкающе скýmны, и ищут восхитити и растерзати мя горце, ихже зýбы, Чистая, и челюсти сокруши и спаси мя.

Пресвятая Богородице, спаси нас.

Угасшу ўбо отнюд оргáну словесному, и связавшуся языку, и затворившуся гла́су, в сокрушении сердца молю Тя: Спасительнице моя, спаси мя.

Слава Отцý и Сыну и Святому Дýху.

Приклони ўхо Твое ко мне, Христа́ Бога моего́ Мати, от высоты́ многия славы Твоея, Благая, и услыши стенание конечное, и руку ми подаждь.

И ныне и присно и во веки веков. Аминь.

Не отврати от мене́ многия щедроты Твоя, не затвори утробу Твою́ человеколюбную, Чистая, но предстани ми ныне, и в час судный помяни мя.

Песнь 4

Ирмос: Христос мой сила, Бог и Господь, честная Церковь боголепно поёт, зываяющи, от смысла чиста о Господе празднующи.

Пресвятая Богородице, спаси нас.

Умовение согрешением ток слезный ныне положи, Благая, сердца моего сокрушение приемлющи: о Тебе утверждающе упование, Благая, егда како страшного мя избавиши огненного мучения, яко Самá благодати еси источник, Богородительнице.

Пресвятая Богородице, спаси нас.

Непостыдное и непогрешительное всем, иже в нуждах, прибежище, Владычице Пренепорочная, Ты ми буди Заступница в час испытания.

Пресвятая Богородице, спаси нас.

Простерши пречистей Твой и всечестней руке, яко священней голубине криле, под кровом и сению тех покрый мя, Владычице.

Слава Отцý и Сыну и Святому Дýху.

Воздушного князя насильника, мучителя, страшных путей стоятеля и напрасного сих словоиспытателя, сподоби мя прейти невозбранно отходяща от земли.

И ныне и присно и во веки веков. Аминь.

Се мя, Владычице, страх усрете, егоже и бояхся; се подвиг велик объят мя, в немже буди ми Помощница, надежде спасения моего.

Песнь 5

Ирмос: Божиим светом Твоим, Блаже, утренюющих Ти души любовью озари, молюся, Тя ведети, Слове Божий, истиннаго Бога, от мрака греховнаго взывающа.

Пресвятая Богородице, спаси нас.

Не забуди мя, Благая, ниже отверти от мене, Твоего отрока, лице Твое, но услыши мя, яко скорблю, и вонми души моей, и сию избави.

Пресвятая Богородице, спаси нас.

Иже по плоти сродницы мой, и иже по духу братие, и друзи, и обычни знаеми, плачите, воздохните, сетуйте, се бо от вас ныне разлучаюся.

Пресвятая Богородице, спаси нас.

Ныне избавляяй никако, и помогаяй воистину никтоже. Ты помози ми, Владычице, да не яко человек беспомощен в руках враг моих затворен буду.

Слава Отцу и Сыну и Святому Духу.

Вшедше, святии мой Ангели, предстаните судищу Христову, колене свой мысленеи преклоньше, плачевне возопийте Ему: помилуй, Творче всех, дело рук Твоих, Блаже, и не отрини его.

И ныне и присно и во веки веков. Аминь.

Поклоньшися Владычице и Пречистой Матери Бога моего, помолитесь, яко да преклонит колена с вами, и преклонит Его на милость: Мати бо сущи и Питательница, услышана будет.

Песнь 6

Ирмос: Житейское море, воздвигаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Пресвятая Богородице, спаси нас.

Устне мой молчат, и язык не глаголет, но сердце вещает: огонь бо сокрушения сие сная внутри возгарает, и гласы неизглаголаннми Тебе, Дево, призывает.

Пресвятая Богородице, спаси нас.

Призри на мя свыше, Мати Божия, и милостивно вонми ныне на мое посещение снити, яко да видев Тя, от телесе изыду радуясь.

Пресвятая Богородице, спаси нас.

Растерзаеми соузы, раздираеми закони естественнаго сгущения, и составления всего телеснаго, нужду нестерпимую и тесноту сотворяют ми.

Сла́ва Отцу́ и Сы́ну и Свято́му Ду́ху.

Святы́х А́нгел священным и честны́м рука́м преложи́ мя, Влады́чице, я́ко да те́х крѣ́лы покрѣ́вша, не ви́жу безчестнаго и смраднаго и мрачнаго бесо́в образа.

И ны́не и прѣ́сно и во ве́ки веко́в. Ами́нь.

Чертóже Бóжий всечестне, Небесному разумному черто́гу сподóби мя, мою́ угасшую и несияющую свещу́ вжéвши святы́м елеем мѣ́лости Твоея́.

Конда́к, глас 6:

Душе́ моя́, душе́ моя́, востани, что́ спи́ши? Конецъ приближа́ется, и ну́жда ти мо́лвити: воспряни́ убо, да пощади́т тя Христо́с Бог, И́же вездé сый, и вся исполня́й.

И́кос:

Христо́во врачевство́ видя́ отворсто, и от сегó Ада́му источа́юще здравие, пострада́в уязвѣ́ся диáвол, я́ко беды́ прие́мля рыда́ше, и своимъ дру́гом возопѣ́: что сотворю́ Сы́ну Мари́ину? Убива́ет мя Вифле́емлянин, И́же вездé сый и вся исполня́й.

Песнь 7

Ирмос: Росодательну́ убо печь содела́ А́нгел преподóбным отроко́м, халдеи́ же опаляющее велéние Бóжие мучителя́ увещá вопѣ́ти: благословéн еси́, Бóже отецъ на́ших.

Пресвятáя Богородице, спаси́ нас.

Ночь смёртная мя постѣ́же негото́ва, мрачна́ же и безлу́нна, препуща́ющи непригото́влена к до́лгому о́ному пути́ стра́шному: да спутешéствует ми Твоя́ мѣ́лость, Влады́чице.

Пресвятáя Богородице, спаси́ нас.

Се вси днѣ́ мои исчеза́ша войсти́ну в суетé, я́коже пи́шется, и лéта моя́ со тцáнием, сéти же смёртныя войсти́ну и горькия́ предвари́ша мою́ ду́шу, я́же мя обдержа́т.

Пресвятáя Богородице, спаси́ нас.

Мно́жество грехо́в моихъ да не возмо́жет победѣ́ти Твоего́ мно́гаго благоутрóбия, Влады́чице, но да обы́дет мя Твоя́ мѣ́лость и вся да покрѣ́ет беззакóния моя́.

Сла́ва Отцу́ и Сы́ну и Свято́му Ду́ху.

Отводя́щии мя отсю́ду находятъ, содержа́ще мя всю́ду; душа́ же моя́ отлага́ет и страши́тся, мно́га исполнена

мятежа, юже утэши, Чыстая, явлéнием Твоим.

И ныне и прýсно и во вéки векóв. Амíнь.

Спечáлующаго ниедíнаго в скóрби моéй, ниже утешáющаго обретóх, Влады́чице, íбо дрúзи мой и знáемии вкúпе остáвиша мя ныне; но, надéжде моéя, ника́коже да не остáвиши мя.

Песнь 8

Ирмос: Из пла́мене преподóбным рóсу источíл есý, и прáведнаго жéртву водою попáлил есý, вся бо творíши, Христé, тóкмо éже хотéти. Тя превозно́сим во вся вéки.

Пресвятáя Богородице, спасí нас.

Я́ко Бóга Человеколю́бца Мáти Человеколю́бivая, т́хим и мíлостивым вонмí о́ком, егда́ от тéла душá моéя отлучáется, да Тя во вся вéки слáвлю, Святáя Богородице.

Пресвятáя Богородице, спасí нас.

Убéгнути ми вáрварбезплóтных полкí, и воздúшныя бéзды возникнути, и к Небесí взýти мя сподóби, да Тя во вéки слáвлю, Святáя Богородице.

Пресвятáя Богородице, спасí нас.

Рóждшая Гóспода Вседержíтеля, гóрьких мытáрств начальника миро-

дérжца отженí далéче от менé, внегда́ скончáтиса хощú, да Тя во вéки слáвлю, Святáя Богородице.

Слáва Отцú и Сýну и Святóму Дúху.

Вели́кой послéдней глася́щей трубе́, в стра́шное и грóзное воскрешéние судá воскресáющим всем, помянí мя тогда́, Святáя Богородице.

И ныне и прýсно и во вéки векóв. Амíнь.

Высо́кая Влады́ки Христá палáто, Твою́ благодáть свы́ше послáвши, предварí мя ныне в день озлоблéния, да Тя слáвлю во вéки вся, Святáя Богородице.

Песнь 9

Ирмос: Бóга челове́ком невозмóжно вíдети, на Него́же не смéют чíни áнгельстии взира́ти, Тобóю же, Всечы́стая, явíся челове́ком Сло́во Воплощéнно. Егóже величáюще, с Небéсными вои, Тя ублажа́ем.

Пресвятáя Богородице, спасí нас.

О, како́ узрю́ Невíдимаго, како́ ужáсное óно претерплú видéние? Ка́ко дерзнú отвéрсти óчи? Ка́ко моего́ Влады́ку смéю вíдети, Егóже не претая́х от юности́ огорчевáя прýсно?

Пресвятáя Богородице, спасí нас.

Святая Отроковице, Богородице, на мое смирение милосердно призри, умиленное мое и последнее моление сие приемши, и мучащаго вечнующаго огня потщися избавити мя.

Пресвятая Богородице, спаси нас.

Храмы святая осквернившая, скверный и телесный храм оставивши, Тебе, Божий всечестный храм, молит, Отроковице Дево Мати, душа моя тьмы кромешния убежати и лютаго геенскаго жжения.

Слава Отцу и Сыну и Святому Духу.

Зря конец близу жития моего и помышляя безместных мыслей, деяний же, Всечистая, душу мою делательницу, люте уязвляюся стрелами совести, но преклоньшия милостивно, буди ми Предстательница.

И ныне и присно и во веки веков. Аминь.

Сын дасться нам за милость, Сын Божий и ангельский Царь, Превечный от чистых кровей Твоих Человек прошед. Егоже умилостиви, Отроковице, страстней моей душе, исторгаетея люте от окайнаго моего телесе.

Таже:

Достойно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Слава Отцу и Сыну и Святому Духу, и ныне и присно и во веки веков. Аминь.

Господи, помилуй. (Трижды.)

Господи Иисусе Христе, Сыне Божий, молитв ради Пречистой Твоей Матере, преподобных и богоносных отец наших и всех святых помилуй нас. Аминь.